



Broj: 02-11-1950-20/20
Zenica, 11.08.2021. godine

Na osnovu člana 70. stav 3. Zakona o javnim nabavkama BiH («Službeni glasnik BiH», broj: 39/14) i Rješenja Ureda za razmatranje žalbi broj: JN2-01-07-1-1723-7/21 od 22.07.2021. godine, na prijedlog Službe za finansije, Gradonačelnik grada Zenica donosi:

ODLUKU
*o izboru najpovoljnijeg ponuđača za proširenje i izgradnju javne rasvjete
na području Grada Zenica*

Po provedenom otvorenom postupku, za proširenje i izgradnju javne rasvjete na području Grada Zenica, objavljenog na portalu javnih nabavki,

- broj: 1355-1-3-45-3-12/20 od 05.02.2020. godine
- ispravka obavještenja broj: 1355-1-3-45-8-32/20 od 26.03.2020. godine
- ispravka obavještenja broj: 1355-1-3-45-8-44/20 od 07.05.2020. godine

i u "Službenom glasniku BiH", broj: 11/20 od 14.05.2020. godine, za najpovoljnijeg ponuđača izabran je:

„DEMA-S“ d.o.o. Mostar

O b r a z l o ž e n j e

Po provedenom otvorenom postupku, za proširenje i izgradnju javne rasvjete na području Grada Zenica, učestvovali su sljedeći ponuđači:

1. „DEMA-S“ d.o.o. Mostar
2. Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad
3. Grupa ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd
4. Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo

Procijenjena vrijednost za javnu nabavku iznosila je 5.000.000,00 KM bez PDV-a.

Ugovorni organ donio je Odluku o izbrou najpovoljnijeg ponuđača, broj: 02-11-1950-15/20 od 08.04.2021. godine, na koju je podnesena žalba ponuđača „DEMA-S“ d.o.o. Mostar. Nakon čega, ugovorni organ donosi Odluku o obustavi postupka broj: 02-11-1950-16/21 od 21.04.2021. godine. Ugovorni organ zaprima i žalbu konzorcija „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad. Ugovorni orogan je djelimično usvojio žalbene navode iz obe žalbe te donio Odluku o poništenju postupka javne nabavke broj: 02-11-1950-17/21 od 07.05.2021. godine. Na Odluku o poništenju postupka javne nabavke, uložena je žalba grupe ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd, gdje je ugovorni organ usvojio žalbene navode i donio Odluku o stavljanju van snage Odluke o poništenju postupka javne



nabavke broj: 02-11-1950-18/21 od 31.05.2021. godine. Na Odluku o stavljanju van snage Odluke o poništenju postupka javne nabavke podnesena je žalba ponuđača „DEMA-S“ d.o.o. Mostar. Izjašnjenja po navedenim žalbama poslana Uredu za razmatranje žalbi sa cjelokupnom dokumentacijom.

Ured za razmatranje žalbi, postupajući po prethodnim žalbama, donio je:

- Zaključak broj: JN2-01-07-1-1723-7/21 od 22.07.2021. godine,
- Zaključak broj: JN2-01-07-1-1548-9/21 od 22.07.2021. godine i
- Zaključak broj: JN2-01-07-1-1546-7/21 od 22.07.2021. godine.

Zaključkom broj: JN2-01-07-1-1723-7/21 od 22.07.2021. godine poništavaju se sljedeći akti ugovornog organa:

- Odluka o stavljanju van snage Odluke o poništenju postupka javne nabavke, broj: 02-11-1950-18/21 od 31.05.2021. godine
- Odluka o poništenju postupka javne nabavke, broj: 02-11-1950-17/21 od 07.05.2021. godine
- Odluka o obustavljanju otvorenog postupka javne nabavke, broj: 02-11-1950-16/21 od 21.04.2021. godine.

Predmet se vraća Ugovornom organu na ponovno odlučivanje.

Komisija je ponovo pristupila pregledu i evaluaciji ponuda, s obzirom na zahtjeve iz tenderske dokumentacije, te postupajući po Rješenjima URŽ

- broj: JN2-01-07.1-1395-10/20 od 23.07.2020. godine i
- broj: JN2-01-07.1-2305-10/2 od 24.09.2020. godine
- broj: JN2-01-07-1-3541-8/20 od 10.02.2021. godine, utvrdila da ponuda Dema-S doo Mostar ispunjava uslove iz tenderske dokumentacije, dok se ostale ponude odbacuju.

Razlozi odbacivanja ponuda ponuđača su sljedeći:

Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo

Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo, nije odgovorio na pismeni zahtjev ugovornog organa broj: 05-11-1950-27/21 od 02.08.2021. godine u pogledu produženja perioda važenja ponude, te se smatra da je isti odbio zahtjev. Ponuda konzorcija „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo odbacuje se i ne ulazi u dalju evaluaciju ponuda, a u skladu sa članom 60. stav 3. Zakona o javnim nabavkama.

Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad

Ugovorni organ je dana 15.07.2021. godine, zaprimio Izjavu o raskidu ugovora o konzorciju, gdje je navedeno da društvo „MIG ELEKTRO“ d.o.o. Mrkonjić Grad raskida Ugovor o konzorciju broj: 708/20 od dana 12.05.2020. godine zaključen između „MIG ELEKTRO“ d.o.o. Mrkonjić Grad i društva „NEXEN“ d.o.o. Banja Luka.



S obzirom na to, ponuda konzorcija „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad odbacuje se u skladu sa članom 68. stav 4. tačka j) Zakona o javnim nabavkama.

Grupa ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd

Ponuda grupe ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd ne ispunjava uslove propisane tenderskom dokumentacijom iz sljedećih razloga:

- na strani 262.-265. nalazi se Aktuelni izvod iz sudskog registra broj: 065-0-RegZ-20-001013 od **05.02.2020. godine** za člana grupe ponuđača „TESTINGELEKTRO“ d.o.o. Sarajevo. Aktuelni izvod iz sudskog registra ne smije biti stariji od tri mjeseca od dana dostavljanja ponude/ datum za prijem ponuda, kako je navedeno u tački 3.1. tenderske dokumentacije. Kao krajnji rok za dostavljanje ponuda, ugovorni organ odredio je datum 14.05.2020. godine, kada je i zaprimljena ponuda grupe ponuđača. Iz dostavljenog Aktuelnog izvoda zaključujemo da je tri mjeseca isteklo sa datumom 05.05.2020. godine, a rok za prijem ponuda bio 14.05.2020. godine, što znači da Aktuelni izvod člana grupe ponuđača „TESTINGELEKTRO“ d.o.o. Sarajevo nije u skladu sa tačkom 3.1. tenderske dokumentacije.
- Elaboratom modernizacije i proširenja javne rasvjete na području Grada Zenica definisano je koje karakteristike svjetiljka treba da ima; među njima je i :Sistem za jednostavnu montažu svjetiljke koji omogućava univerzalnu montažu na liru prečnika Ø 42-60mm, sa mogućnošću podešavanja ugla nagiba svjetiljke od - 10° do + 0° ili na vrh stuba prečnika Ø60-76 mm, sa mogućnošću podešavanja ugla nagiba svjetiljke od 0 do 10°.
- Grupa ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd na strani 322., dostavio karakteristike ponuđene svjetiljke: montaža na liru Ø 42-60mm, sa dodatnim alu zglobom pokretljivost +/- 15 ° i mogućnošću montaže na stub Ø60-76 mm uz isti opseg pokretljivosti. Fotografija koja se nalazi unutar tehničkog lista ne posjeduje navedeni alu zglob, nego ima mogućnost isključivo montaže na liru (bez mogućnosti podešavanja ugla) niti ima mogućnosti uopće montaže na vertikalni stub. Kućište koje je prikazano na tehničkom listu ne posjeduje bilo kakav zglob, te ne odgovara opisu, niti svjetiljka ispunjava uslove definisane Elaboratom modernizacije i proširenja javne rasvjete na području Grada Zenica.
- Grupa ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd u svojoj ponudi, na stranama 322. i 323. ponude je dostavila tehnički list sa tehničkim karakteristikama svjetiljke VIHOR 16LED T2 0.7A iz kojeg je vidljivo da je svjetiljka opremljena predspojnim priborom LED drajverom, međutim ni u jednom dijelu tehničkog lista, kao ni ostatka ponude, ne navodi se mogućnost rada prema traženom PROGRAMU 2, a što je zahtijevano Elaboratom modernizacije i proširenja javne rasvjete na području Grada Zenica.
- Grupa ponuđača „NEIMARI ŠERIĆI“ d.o.o. Zenica, „TESTINGELEKTRO“ d.o.o. Sarajevo i „BUCK“ d.o.o. Beograd je u svojoj ponudi dostavila garanciju za ozbiljnost ponude koja se nalazi na strani 390. ponude. Komisija je utvrdila da je garancija za ozbiljnost ponude dostavljena u plastičnoj foliji koja je na vrhu zatvorena naljepnicom, na koju je otisnut pečat ponuđača „NEIMARI ŠERIĆI“ d.o.o. Zenica (predstavnik grupe ponuđača), i na kojoj se nalazi potpis



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

ponuđača. S obzirom da se pečat u cijelosti nalazi na naljepnici koju je moguće nesmetano odlijepiti, a da se ne naruši otisak pečata, i garanciju vaditi/umetati, što je suprotno odredbama Pravilnika, a to je da se onemogući naknadno vađenje garancije iz plastične folije naljepnicom na kojoj je otisnut pečat ili jamstvenikom. Imajući u vidu da je garancija za ozbiljnost ponude sastavni dio ponude morala je biti čvrsto uvezana u ponudu i upakovana na način da se onemogući njeno nakadno vađenje ili umetanje, što u konkretnom slučaju nije urađeno, te je ponuda suprotna članu 8. stav 2. Uputstva za pripremu modela tenderske dokumentacije i ponuda koji propisuje da se ponuda čvrsto uvezuje na način da se onemogući naknadno vađenje/umetanje listova. Ured za razmatranje žalbi je već odlučivao o istom pitanju i donio je:

- Rješenje broj: JN2-01-07-1-227-8/19 od 06.03.2019. godine
- Rješenje broj: JN2-02-07-1-241-10/18 od 24.05.2018. godine
- Rješenje broj: JN2-03-07-1-1403-10/19 od 18.07.2019. godine
- Rješenje broj: JN2-03-07-1-574-9/20 od 16.04.2020. godine

Ugovorni organ je izvršio izbor najpovoljnijeg ponuđača „DEMA-S“ d.o.o. Mostar na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-1950-1/20 od 05.02.2020. godine.

Procjena ponuda i rangiranje, dati su u Zapisnicima Komisije, a izvršeni su na osnovu Poslovnika o radu komisije, broj: 11-11-1950/20 od dana 07.02.2020. godine.

Shodno tome, ponuđač je bodovan kako slijedi:

R.B.	Naziv ponuđača	Cijena u KM bez PDV-a	Bodovi na cijenu	Rok otplate u mjesecima	Bodovi na rok otplate	Sveukupni bodovi
1.	„DEMA-S“ d.o.o. Mostar (Vrapčići bb, 88 113 Mostar, ID: 4227173320000)	4.199.652,99 KM	80	75	20	100

Na osnovu izloženog, odlučeno je kao u dispozitivu.



Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

4 x Ponuđač,

1 x Tenderska dokumentacija,

1 x Služba kabineta Gradonačelnika

1 x a/a



GRADONAČELNIK ZENICE


Fuad Kasumović